

Sejarah Syariat Islam dan Perkembangannya

Di dalam keluaran Qalam bilangan 185 (Disember 1965) telah ditulis bagaimana perintah-perintah Saiyidina ‘Umar bin al-Khaṭṭāb telah mengirim hakim dan guru ke Baghdad. Di dalam surat-surat itu diberi pertunjuk bagaimana cara menghukum mengikut hukum-hukum yang dikehendaki oleh Islam.

(5)

Kemudian harinya di Basrah terdapat suatu jemaah yang terdiri dari tabiin yang di antaranya telah dijumpai Ḥassan al-Baṣrī. Bagi mengetahui bagaimana orang dahulu bekerja dan mencari serta mengumpul pengetahuan dapatlah kita ketahui dari keterangan Ibn al-Qayyim yang telah menyatakan bahawa: Ia telah menemui zaman seorang sahabat-sahabat Nabi dan ulama-ulama yang telah mengumpulkan semua fatwa-fatwanya yang berjumlah tujuh buah kitab benar. Ḥassan al-Baṣrī selain daripada seorang ulama besar dari tabiin, juga terkenal mempunyai pendapat-pendapat tentang masalah qadak dan qadar, masalah iradat manusia, dan orang Mu‘tazilah menghitung beliau ketua pendapat mereka.

Di Syam (Syria) terdapat guru-guru besar yang sengaja dikirim oleh ‘Umar bin al-Khaṭṭāb ke sana. Mereka itu ialah Mu‘ādh bin Jabal, Ubādah dan Ṣāmit¹ dan Abū Dardā’. Mereka bekerja bersama-sama mengajar agama kepada umat manusia supaya mengerti dan faham tentang agama. Kemudian Mu‘ādh telah berpindah di Palestin, dan mengajar di sana sesudah negeri itu terbuka bagi Islam.

Ada pun Ubādah bin Ṣāmit, ia seorang ahli Qur'an dan ahli mengumpul Qur'an. Ia sangat keras mendirikan kebenaran dan sangat fakih. Kemudian ia dilantik menjadi kadi di Palestin dan meninggal di Syria.

Abū Dardā' termasuk seorang sahabat Nabi yang

utama. Beliau terkenal mempunyai pengetahuan dan cukup faham tentang agama dan dilantik menjadi kadi di Damsyik dan beliau wafat di sana.

Selain daripada yang tersebut itu, Saiyidina ‘Umar bin al-Khaṭṭāb mengirim ke Syria ‘Abd al-Rahmān bin Ghanām. Mereka itu sekaliannya bekerjasama dan dengan kebijaksanaan mereka menyebarkan agama dan ilmu fikih Islam maka ilmu itu telah berkembang dengan cepat dan sangat maju di daerah Syria ini. Banyak tabiin yang datang belajar kepada mereka di sana. Di antaranya yang terkenal termasuk:

Abū Idrīs al-Khawlānī

Sharḥabil bin Shamath

Fabishah bin Za‘īb Khurāṣī

Di belakang mereka menyusul satu golongan lagi di antaranya yang terkenal, ‘Abd al-Rahmān bin Zubayr, Makhlūn dan ‘Umar bin ‘Abd al-‘Azīz. Kemudian daripada itu timbul pula ‘Abd al-Rahmān al-Awza‘ī, imam ahli Syam, yang kemudian mengadakan mazhab sendiri dan mazhab ini berkembang dengan maju dan jayanya di negeri-negeri Morocco dan Andalus (Sepanyol) dan sekalipun kemudiannya mazhab itu tidak kuat berhadapan dengan mazhab al-Imām Mālik dan al-Shāfi‘ī. Mazhab itu kemudiannya lenyap.

Sahabat-sahabat banyak pula berpindah ke Mesir setelah negeri dikuasai oleh Islam pada tahun 20H. Di antara mereka yang terkenal dan terkemuka dengan fatwanya ialah

¹ Perkataan sebenar ialah Ubadah bin Samit.

² Perkataan sebenar ialah fikah.



Jalālah al-Malik al-Mu‘azzam Faisal Raja bagi kerajaan ‘Arabiyyah Sa‘udiyah di padang terbang Riyad (di tengah) tatkala menyambut ketibaan *al-Amīr* Sabah bin al-Salim al-Sabah, Amir bagi kerajaan Kuwait yang melawat Hijaz baru-baru ini.

‘Abd Allāh bin ‘Amrū bin al-‘Āṣ, anak panglima besar Islam yang memimpin bala tenteranya menguasai negeri Mesir dan merampas Mesir dari kekuasaan bangsa Rom. ‘Abd Allāh terhitung sebagai mufti tingkat yang kedua dari golongan *sahābī*. Ia ada mempunyai kelebihan yang lain iaitu ia pandai benar menulis hadith Nabi daripada yang didengarnya dari Rasulullah semasa ia hidup lagi. Apa yang didengarnya dari Nabi segera ditulisnya.

Dalam menceritakan ini al-Mujāhid berkata: Pada suatu masa saya lihat di tangan ‘Abd Allāh bin ‘Amrū ada sehelai kertas. Saya bertanya kepadanya tentang kertas tersebut. Dijawabnya: ‘Ini adalah *al-ṣādiqah* (kebenaran) yang saya dengar sendiri daripada Rasulullah (S.A.W), tidak ada seorang mana jua pun campur di antara saya dengannya.’

Lembaran tersebut termasuk lembaran hadith yang sah. Setengah ahli-ahli hadith menjadikan lembaran tersebut sama darjatnya dengan hadith-hadith yang diriwayatkan oleh

Abū Ayyūb dari Nāfi’ dari Ibn ‘Umar. Imam-imam mazhab yang berempat dan lain-lainnya menjadikan hadith-hadith yang tersebut hujah (alasan).

‘Abd Allāh bin ‘Amrū al-‘Āṣ pergi ke Mesir dalam masa ayahnya memerintah. Ia mengajar di sana dan banyak benar orang Mesir yang belajar agama daripadanya dan sebahagian dari orang-orang Mesir itu menuliskan apa-apa yang dipelajarinya dari ‘Abd Allāh bin ‘Amrū bin al-‘Āṣ.

Mufti-mufti yang terdiri dari tabiin di Mesir ada banyak. Di antaranya Yazīd bin Ḥabīb. Ia mempelajari ilmu agama dari sahabat-sahabat yang tinggal di Mesir. Ia salah seorang di antara tiga orang yang telah ditetapkan oleh Khalifah ‘Umar bin ‘Abd al-‘Azīz memberi fatwa di Mesir. Yang dua orang lagi ialah ‘Ubayd Allāh bin Ja‘far (bekas hamba) dan Ja‘far bin Rabī‘ah (keturunan Arab). Ketetapan ‘Umar bin ‘Abd al-‘Azīz ini ke atas mereka disanggah oleh setengah-setengah orang kerana mereka memandang sebagaimana bekas seorang hamba boleh menjadi mufti.

Sanggahan itu dijawab oleh Khalifah ‘Umar bin ‘Abd al-‘Azīz dengan katanya: “Apa dosa saya, kalau orang-orang bekas hamba itu dapat menaikkan dirinya menjadi mulia kerana ilmunya sedang saudara-saudara sendiri tidak berusaha kepada yang demikian.”

Dengan demikian perbezaan dalam lapangan ilmu bagi golongan-golongan itu disamaratakan oleh Khalifah ‘Umar bin ‘Abd al-‘Azīz yang lebih mengutamakan ilmu daripada darah dan keturunan Yazīd yang tersebut di atas, kemudian mendapat seorang murid yang menjadi imam besar. Muridnya itu ialah al-Layth bin Sa‘ad. Bagi memperoleh pengetahuan yang luas dan lengkap dalam segala segi soal agama, ia telah berjalan ke seluruh daerah yang dikuasai oleh Islam untuk bertemu dan belajar kepada ulama-ulama tabiin yang ada di sana sebab ilmu-ilmu agama dewasa itu telah terpancar ke mana-mana. Untuk itu ia telah melawat ke Mekah, Syam dan Baghdad serta telah menemui dan menuntut ilmu dari 59 ulama dan fuqahā’ tingkatan tabiin. Demikianlah akhirnya Imam al-Layth bin Sa‘ad terkenal sebagai imam yang kedua dalam mazhab Ḥanafī yang dalam ilmunya.

Kemudian Imam al-Layth ini mengadakan hubungan dengan imam Mālik, imam negeri Madinah. Perhubungan itu dilakukan dengan bertulis-tulis surat. Hubungan keduanya sangat rapat dan baik benar sesiapa yang membaca surat-menyerat antara kedua imam itu akan mendapati betapa sifat bertukar-tukar fikiran di masa itu dalam kalangan ahli pengetuan³.

Oleh kerana kepercayaan seluruh dunia Islam kepada ilmu Imam al-Layth yang melaut itu, banyaklah fuqahā’, ulama dan kadi-kadi negara yang meminta pendapat beliau dalam hal-hal yang sulit dan pelik. Sekalipun ia dipandang sebagai orang yang kedua dalam mazhab Ḥanafī, tetapi pada suatu masa ia telah mempunyai mazhab sendiri yang diikuti oleh orang-orang Mesir. Sayang dukungan itu tidak lama

dan ia dimasukkan dalam imam besar mazhab Ḥanafī. Di belakang imam-imam yang tersebut di atas lahirlah Imam Mālik dan Imam Shāfi‘ī. Imam Mālik mengembangkan ilmunya di Madinah. Imam Shāfi‘ī memulakannya di Mekah, kemudian di Madinah sehingga ke Mesir dan beliau wafat di Mesir.

Di belakang mereka ini menyusullah ulama-ulama besar dan fuqahā’-fuqahā’ yang termula termasuk dalam golongan sahabat-sahabat Imam Mālik dan Shāfi‘ī di antaranya Imam Ahmad bin Ḥanbal (yang lebih ahli dalam ilmu hadith daripada dalam ilmu fikih⁴) yang membangunkan mazhab Ḥanbalī.

Setelah itu ilmu fikih⁵ pun pun⁶ menjadi soal taklid – ertiinya tidak ada imam-imam besar lagi yang dapat mempunyai pendapat sendiri, merasa, melihat dan mengetahui dalam segala soal apa jua pun. Imam-imam yang terdahulu daripada mereka telah menyelesaikan soal-soal itu dan memberi pedoman-pedoman untuk pegangan-pegangan dalam sesuatu hal yang tersebut. Pekerjaan-pekerjaan yang kemudiannya hanya menyesuaikan diri dengan salah satu imam-imam besar yang telah ada itu. Demikian itulah yang dikehendaki dengan maksud bahawa fikih⁷ telah menjadi taklid.

Alat Pengesan Kertas-kertas Peperiksaan.

Di Amerika, terdapat alat yang dipakai untuk memeriksa kertas-kertas peperiksaan. Baru-baru ini telah dicubakan ke atas jawapan kepunyaan 64 orang penuntut jurusan Kedoktoran Bahagian Pembedahan Mulut dan Gigi, yang ternyata kemudian telah berjaya mengesan 10 helai kertas kepunyaian⁸ 10 orang dari penuntut-penuntut tersebut, bahawa mereka telah melakukan penipuan di dalam peperiksaan itu...maka mereka pun telah dibicarakan dengan serta-merta dalam perkara itu – sekalipun kesemuanya telah menyangkal dan tidak mengaku salah.

³ Perkataan sebenar ialah pengetahuan.

⁴ Perkataan sebenar ialah fikah.

⁵ Perkataan sebenar ialah fikah.

⁶ Perkataan ‘pun’ diulang dalam teks asal.

⁷ Perkataan sebenar ialah fikah.

⁸ Perkataan sebenar ialah kepunyaan.

Hal-hal Yang Pelik

Raja-raja zaman dahulu setengahnya mempunyai cara yang tertentu jika dia hendak menyuruh orang-orang yang di balai penghadapannya supaya pergi bersurai. Memadalah dia dengan memberikan suatu isyarat, maka semua orang pun bersurai.

Adat ini asalnya dari negeri Parsi, dan yang mula-mula merekanya ialah “Raja Anusherwan.” Biasanya kalau ia hendak menyuruh orang-orang bersurai diangkatnya salah satu kakinya maka fahamlah orang-orang yang hadir di situ lalu mereka pun beredar keluar.

Biasanya Raja “Fezu” kalau hendak menyuruh orang-orang supaya keluar, dia menggosok-gosok matanya. Raja “Bahram” pula biasanya hanya mengangkat kepalanya terangguk-angguk ke atas, ini menandakan pertemuan dengannya telah selesai.

Adat yang seperti ini kemudian telah diteladani oleh setengah Khalifah. Umpamanya Khalifah Mu‘āwiyah, biasanya jika dia menghendaki para hadirin bersurai diucapkannya kata-kata ini “*Idhā shi ‘tum*” ertinya: “Jika kamu mahu” kadang-kadang diucapkannya “*Al-‘izzatu lillāh*” ertinya “Segala kemuliaan kepunyaan Allah.”

Akan Khalifah ‘Abd al-Malik lain pula caranya. Dia selalu membawa tongkat, kalau tongkat itu dicampakkannya, itu tandanya yang hadir disuruh keluar.

Al-Hajjāj bin Yūsuf juga ganjil. Dia kalau menguap-nguap dan meletakkan kipasnya dari tangannya itu tandanya orang-orang yang di hadapannya disuruh beredar.

Khalifah Ma’mūn biasanya pula memberi isyarat dengan memetik jari tengahnya dengan ibu jarinya seraya berkata: “*Barqu al-yamāmah*” ertinya “Berkilat burung merpati.”

Dan akhirnya telah teradat dilakukan, kalau seseorang ⁹

Yang Perlu Tuan Ketahui

Bahawa kecepatan batuk yang melompat dari mulut itu, selaku 245 batu dalam satu jam.

* * *

Bahawa ikan paus yang mendiami lautan air batu di daerah Kutub itu, ditangkap orang untuk mempergunakan kulit, daging dan lemaknya.

* * *

Bahawa ulat sutera itu pada mulanya merupakan sebutir telur yang amat kecil, warnanya kuning kemudian lembayung, kemudian hijau, kemudian putih lebih kurang, dan setelah menetas dia pun memakan daun kertau (nama pohon yang ditanam untuk membela ulat sutera).

* * *

Bahawa orang yang mula-mula mencetak wang dinar dan dirham dalam Islam iaitu ‘Abd al-Malik bin Marwān – salah seorang Khalifah Banī Ūmayyah’.

* * *

Bahawa orang-orang zaman dahulu memakai pakaian daripada kulit binatang yang mereka dapat dari berburu.

* * *

Bahawa binatang lebah itu bercakap-cakap sesama mereka dengan menggunakan dua sungut yang ada di kepalanya. Tiap-tiap seekor lebah mempunyai empat sayap dan enam kaki. Lebah betina (rajanya) bertelur setiap hari beratus-ratus butir telur.

itu hendak berundur dari balai penghadapannya Khalifah, maka hendaklah orang itu berjalan beberapa langkah ke belakang (berundur) sedang mukanya tetap menghadap Khalifah, kemudian baharulah berpusing terus keluar.

⁹ Perkataan sebenar ialah Umayyah.